

Goibekokale

ELGETA / Barikua / 2003eko azaroaren 14a / 162. zenbakia

KOORDINATZAILEA: Irati Agirreazaldegí • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Udalaren zerbitzuengatik 2004an %2,5 gehiago ordaintzea proposatu dute

IRATI AGIRREAZALDEGI

Datorren astelehenean, hilaren 17an, egingo dute Udalean osoko bilkura. Bertan, besteak beste, datorren urterako ordenantza fiskalak izango dituzte eztabaidagai. 2004ko zergak eta tasak gaurkotzean %2,5eko igoera egitea proposatu dute.

Astelehenean, azaroaren 17an, egingo dute osoko bilkura Udalean zinegotziek eta alkateak. Beste hainbat gairen artean udalzergen igoerari buruzkoa mahai gaineratuko dute.

Urtero egiten dute gora udalzergek eta aurten ere horrela egitea da proposamena. Tasak eta zergak gaurkotzean 2002ko irailetik aurtengo irailera bitartean KPIk izan duen igoera hartuko dute kontuan. Gipuzkoan %2,8 igo da, eta erreferentzia hori kontuan izanda, tasak %2,5 igoko lirarteke Elgetaren kasuan. Iaz igoera %3,5ekoa izan zela ikusita, aurtengo igoera txikiagoa dela esan genezake.

Hala ere, Udaleko zerbitzu guztietan ez da igoera bera aplikatuko datorren urtean. Batzuek



Asteleheneko Udal bilkuran aurkeztuko dute 2004ko zergak igotzeko proposamena.

igoera handiagoa izango dute, beste batzuek, aldiz, txikiagoa, eta egongo dira inolako aldaketarik izango ez duten zerga eta tasa gutxi batzuk ere.

JARDUERA EKONOMIKOAK

Igoera handiena izan duen zerga jarduera ekonomikoetako dagokiena da, %22, hain zuzen ere. Igoerak, harrigarria badirudi ere, badau-

ka azalpena: zerga hau salmenta handiak dituzten enpresa eta jarduerak baino ez dute ordaindu behar. Lehen, denda eta negozio txikiak ere zerga honi zegokion

Aurten zergen igoera txikiagoa izango da, iaz %3,5 gehiago ordaindu baitzuten elgetarrek

diru kopurua ordaintzera behartuta zeuden; orain, ordea, ez dira multzo honetan sartzen. Iaz zergen aldaketa eztabaidatzeko orduan gai honen gainean izan zen desadostasunik.

Urtero bezala gora egiten duen beste zerga bat hilerriaren zerbitzuari dagokiona da. Izan ere, zerbitzu hau defizitarioa da. Iaz 108,18 euro ordaindu behar baziren, aurten 114,18 euro da tarifa.

Bestalde, eraikuntza instalazio eta obren gaineko zergek ez dute inolako aldaketarik izan; iaz bezala %5 izango da.

Behin proposamena eginda, datorren astelehenean udalbatzak azken erabakia hartzea baino ez da falta. Onartuz gero, elgetarrek udal zerbitzuengatik %2,5 gehiago ordainduko dute 2004tik aurrera.

KULTURA

Dantza taldean izena emateko epea zabalik

I.A.

Elgetako txikiak euskal dantzak ikasteko eskolak ipiniko dituzte abian urtarrilean. Dantza taldean izena eman nahi dutenek liburutegira jo beharko dute azaroaren 28a baino lehen. Hiru talde izango dira eta bakoitzak egun baten izango ditu klaseak.

Datorren urtarrilean hasiko dira dantza eskolak Elgetan. Bertan izena eman nahi dutenek azaroaren 28ra arteko epea dute

eta horretarako liburutegira joan beharko dute.

Hiru taldetan banatuko dituzte eskolak jaso nahi dituzten umeak. Eskolaurreko lehenengo eta bigarren mailako txikitxoek eguaztenetan izango dituzte klaseak arratsaldeko 16:00etatik 16:30era; eskolaurreko hirugarrenekoek eta lehenengo mailakoek astelehenean 16:00etatik 17:00etara; eta bigarren mailatik gorakoek eguaztenetan 17:30etik 18:30era.



Eskolaurreko txikiak hasita izango dute dantza taldean jarduteko aukera.

LABUR

Etxeko traste zaharrak azaroaren 20an jasoko dituzte

Datorren egunean, azaroaren 20an, etxeko traste zaharrak jasotzeko eguna izango da Elgetan. Etxean altzari zein bestelako tamaina handiko traste zaharrak traban edukiz gero eta zaborretara bota nahi izanez gero, ohiko zabor ontzien edo edukiontzien alboan laga behar dira egun horretan 20:00etatik 22:00etara bitartean. Ondoren, Debagoieneko Mankomunitateko zabor-biltzaileak pasako dira trasteek jasotzera, hamabost egunean behin egin ohi duten modura.

PILOTA TXAPELKETA

EMAITZAK

- Txapel/Koldo 22
- J.R. Irazabal/I. Izagirre 10
- A. Arantzabal/A. Telleria 22
- Sesia/Satur 11
- M. Larrea/M. Arkarazo 8
- A. Morales/F. Zenitagoia 22
- M. Arantzeta/J.M. Arantzeta 22
- I. Ugarteburu/Antton 11
- I. Gorostiza/F. Olaortua 6
- Otxoa/M. Elkoro 22

SAILKAPENA

A TALDEA	Puntuak
1. Arantzeta anaiak	49
2. A. Morales/F. Zenitagoia	16
3. M. Larrea/M. Arkarazo	9
4. I. Ugarteburu/Antton	-7
5. E. Zubiaurre/J.M. Zubiaurre	-11
6. Arrota/Epi	-32

B TALDEA	Puntuak
1. A. Arantzabal/A. Telleria	42
2. Koldo/Txapel	32
3. Otxoa/M. Elkoro	4
4. J.R. Irazabal/I. Izagirre	-16
5. Sesia/Satur	-29
6. I. Gorostiza/F. Olaortua	-49

OHARRA

Asteburu honetan pilotari beterranoek atsedena izango dute. Behin eskuetako minak arinduta datorren asteburuan ekingo diote berriz txapelketari. Ligaxkako azken partiduak izango dira horiek eta ondoren, bertan behera geratutako hainbat norgehiagoka jokatu dituzte, hilabeteko azken aste bukaeran, hain zuzen ere. Oraindik zehazteke dago txapelketako hurrengo fasea noiz hasiko den.

KULTURA

Bertso musikatuaren emanaldia Espaloian

I.A.

Arantxa Cruz eta Joseba Ramirezen ahotsean bertso ezagunak entzuteko aukera izango da datorren barikuan Espaloian. Musika, diapositibak, esketxak... lagun, ordubetean euskal bertsolaritzaren ondaretik hartutako lanak entzungo ditugu.

Bertso musikatuaren emanaldia izango da datorren barikuan, azaroaren 21ean, Espaloian, gaueko 22:00etan hasita.

Ordubete inguruko ikuskinak bertsoak ditu oinarri, eta musika, diapositibak, esketxak eta dantzak tartekatuz bertso zaharrak eta berriak entzuteko aukera eskainiko digute emanaldi honetan.

Euskal bertsolaritzaren ondaretik hartutako lanak espaloira gerturatzen den publiko guztia-ri zuzenduko dizkiote modu didaktikoan. Izan ere, ume zein nagusi bertsoak eta euskal kantutak gustuko dituen edozeinendako moduko emanaldia da.

Xenpelar, Xalbador, Bilintx, Xabier Amuriza, Jon Sarasua, Andoni Egaña eta beste hainbat bertsolarik egindako bertso ezagunak eta kantu herrikoiren bat edo beste ere izango dira ikuskinzunean: *Mendian Gora, Euskaldun Berriaren Balada, Xalbadoren Heriotzean, Banako*, besteak beste.

Arantxa Cruzek eta Joseba Ramirezek jarriko diete ahotso bertsoei eta Joseba Ramirezek berak gitarra joko du. Pianoan Xabier Zabalak jardungo du.



Arantxa Cruzek eta Joseba Ramirezek abestuko dituzte bertsoak.



Izarreko bihurguneko zuloak estalita daude dagoeneko

Gipuzkoako Foru Aldundiko Errepide Saileko mantentze-lanen taldeak joan zen astean Izarreko bihurgunea konpontzen jardun zuen. Bihurgunearen barruko aldean asfalto kapa batzuk bota zituzten zulo handienak estaltzeko. Konponketa hau behin-behineko irtenbidea baino ez da izango. Behin betiko konponketa datorren urtean egiteko asmoa dute, eta proiektua gertu dago./I.A.

LABUR

Unai Ziarsolo gimnasia monitore berria izango da

Oskar Carrascal Udaleko kirol teknikariak eman ditu orain artean soinketa eskolak Elgetan. Baina haren laneko baja dela eta Unai Ziarsolo ermua-rra arduratuko da sasoiari egoteko gimnasia eta edade-tuendako gimnasia ikastaro- ez.

Unai Ziarsolo aurrez ere ibilia da Elgetan monitore lanetan, udako kirol kanpai- nan, hain zuzen ere.


Martitzen eta eguaztene- tan egiten dituzte soinketa saioak kiroldegian. Edade- tuek arratsaldean eta sasoiari egoteko gimnasian dabilta- nek, berriz, iluntzean.

Soinketa egiteko aukeraz gain, Udaleko Kirol Zerbi- tzuak aerobik, tai-chi eta kara- te ikastaroak eskaintzen diz- kie elgetarrei.



ELGETA AUTOAK

Berraondokoa z/g ELGETA
T. 943 76 82 02 F. 943 76 82 98



Jesus Mari Montiel
**ITURGINTZA
ETA BEROGAILUAK**
Artekale 3
Mo: 656783299 Eibar
Tel: 943 70 07 19
**KONPONKETAK
SUKALDE
ETA BAINUGELETAN**

Patxi Taberna



• Bokata goxoak • Plater konbinatuak
• Espezialitatea: Tripakiak
Salbador 3 Tel.: 943 768 093 Elgeta

ERRETRATU ZAHARRA

ANTZUOLA

Mutiko koadri-
la Maristetan
1967an

Maristetan ikasiak dira hainbat belaunalditako antzuolar asko eta asko. Hala egin zuen argazkian dugun mutiko koadrilak ere. Noizean behin argazkiak egiten zizkieten fraideek, eta umeak gustura jartzen ziren kamera aurrean.

1967ko argazki honetan koadrila bitxia ageri da, adin askotariko mutikoak dira-eta, kaletar zein baserritarrak. Gaztetxoek 8-9 urte izango zituzten garai hartan eta nagusienek 14-15. Hori bai, gehienek oraindik praka motzak erabiltzen zituzten, uda edo negua izan.

Urteek aurrera egiten duten arren zenbait ez zaio aurpegia askorik aldatu. Jesus Kortabarriari, aldiz, zaletasuna da aldatu ez zaiona. Bizikleta ez zeukan saltzeko eta argazkia ateratzeko ere ez zuen bazterrean utzi.

Goian, ezkerretik eskuinera: Jesus Kortabarria, Fernando Lete, Jose Mari Mendizabal, Agustin Arbulu, Angel Muxika, Aitor Zubillaga, Jesus Mari Araiztegi eta Pello Legorburu.



Behekoak, ezkerretik eskumara: Kasimiro Muxika, Koldo Madariaga, Gurutz Madariaga, Pruden Garitano, Asentxio Irizar, Jose Ignacio Madariaga, Juan Cruz Lizarralde eta Valentin Agirre.

Argazkia: Lierni Legorburu

ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATU DIRENGAUZAK


ANTZUOLA

Uzarraga eta
Elutze

Laurogeiko hamarkadan desagertu zen Elutze baserria eta orain txabola bat dago hura zegoen lekuan. Uzarragako elizak, aldiz, hor segitzen du. Jabeek bertan behera utzi dituztelako edo lurraren mugimendua dela eta, baserri bat baino gehiago behera etorri da Uzarragan. Elutze handia eta zaharra zen, eta baserriaren lehen aipamena 1499koa da. Bi etxebizitza zituen eta lau uretako teilatua.



≈ 1957 Uzarragako eliza eta Elutze baserria. Ingu-ruetan egun baino zuhaitz gutxiago eta zoro gehiago ikusten dira.



2003 Elutze 80ko hamarkadan erori zen; hura zegoen lekuan bi txabola daude egun. Elizak hor segitzen du, baina lur mugimenduek asko kaltetzen dute.



GAZTELU
BURDINAKI DENDA

Mintegi, 1 • Tf. 943 76 32 48 / 943 76 34 50 • BERGARA



ARRI

Industri
hornidura

Zubiaurre, 30
BERGARA
Tel. eta faxa:
943 76 19 04.
Sakelakoa:
656 78 64 84.



GABILONDO
INMOBILIARIA
Etxebizitzak, garajeak, lokal komertzialak,
baserriak, lur sailak...

Burdiñate BERGARA Tel.: 646 665 854
San Frantzisko 51, 1-D ELGOIBAR Tel.: 943 74 44 67



ANTIA
HARATEGIA
Matxiategi 8
BERGARA



MUJIKA
HARATEGIA
Kalebarren 1
ANTZUOLA

OSAGAI ONENAK GURE KONTU



IMAZ
HARATEGIA
Aranerrika 1
BERGARA

Prestatu, zuk prestatuko
duzu ondoen,
baina osagai onenak
gurean eskuratu
ahal izango dituzu:
zure herriko dendetan.



SAN PEDRO
FRUTATEGIA
San Pedro z/g
BERGARA



UDAZKENA

Mirari
JANTZIDENDA

NEGUA

Martoko 34 Bergara 943 76 23 93

GREMIOEN GIDA

zure etxearen osasun onerako

ARREGI AROZTEGIA



Urteaga 20
943 76 11 73
Erakusketa:
Bidekurutzeta 38
943 76 31 03

- Orotariko arotz lanak
- Sukaldeak
- PVC leihoak



UR kristaldegia

Martoko 1-3
943 76 54 68

- Ispiluak
- Beirateriak
- Biselatuak
- Plastikoak



AGIRRE MARGOAK

Ortuibar 1, 3-C
943 76 53 82
Tailerra:
Alkabieta 7

- Orotariko pintaketa lanak

ARISTEGI-TOLA ITURGINTZA



Bolu 26
943 76 54 17

- Kalefakzioa
- Bainurako altzariak eta dekorazioa
- Konponketak

UGARTE ARROZTEGIA-ALTZARIAK

San Juan 1 A
943 76 54 91
F 943 76 08 04

- Orotariko arotz lanak
- Apainketa, soruak, leihoak, atek



J.M. IZAGIRRE Igeltseritza

Loidi baserria,
Angiozar
943 76 56 86

- Teilatu, fatxada, sukalde eta bainugelen berrikuntza

GOYSMA

Urteaga 9
943 76 98 12

- Iturgintza
- Berogintza
- Gasa

BERGARA Margoak

Amillaga 1, 1. pab.
162 p.k.
943 76 97 31
F 943 76 97 32

bergara.margoak@terra.es

- Orotariko pintaketa lanak
- K-21 agiria

